



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 5. Chiloënses insulæ Apostolicè excoluntur.

urn:nbn:de:hbz:466:1-38528

hac urbe excursiones suburbanæ & agrariae frequenter institutæ sunt. In his unum occurrit omnino narrandum. Ruri periculosa ægritudine decumbebat Hispanus homo, solitus pessimo more, dum valceret, pro juramento identidem hæc voces usurpare: *Moriar ego sine confessione Sacramentali, si id verum non sit.* Mirum dictu: unus è nostris Sacerdotibus ad eum expiandum hoc vel altero anno in ultimo morbo è Collegio evocatus, ubi propè villam ejus constituit, nullâ vi, nullâ arte, nullis calcaribus adigere potuit jumentum, quo vehebatur, ut ultrâ pergeret; donec nunciaretur expirasse: tum demum enim mula ad demortui hominis villam Joannem Fontium Sacerdotem nostrum quietissimè vexit: narrando proflus ejusmodi farinæ hominibus exemplo, ne sibi malum omnium pessimum temerè impacentur. Didacus Torres, curis latius extensis, Horatium Bechium & Martinum Arandam ex Araucana valle; Melchiorem verò Vanegam atque Joannem-Baptistam Ferrufinum ex Chiloënsi insula, conscientiam reddituri rationem, pro Societatis more, ad se revocavit. Reduces, pro re Christiana in ultimis terrarum benè gesta, benevolentissimè amplexatus est. Horatio Bechio, aliis regendis destinato, Franciscum Gomesium suffecit, addito iterum Martino Arandâ, qui Araucum terrâ mariique vœcti suscepitos labores felici animarum proventu, peste præsettis inter Indos ac Hispanos graffante, per sesquiannum in latissima Provincia continuavere. Joanni-Baptistæ Ferrufino, Tyronibus formandis Cordubam Tucumanorum missio, Mathæum Stephanum, virum integrum, subrogavit; qui cum Melchiore Vanega ad Chiloënses navigans, Apostolicis facinoribus novellam Provinciam cum socio decoravit.

CIRCA Insulam Chiloë, quam suprà descripsimus, quadraginta exiles Insulæ non admodum frequentes, exiguis intervallis dispositæ, quasi in satellitium dominæ tuæ incóptas nemorum oomas, ceu hastatos manipulos ostentant; hilati planè naturæ pompa, nisi jucunditatem præternavigantium interturbaret repentina auræ, sonoræque tempestates; nunquam enim ferè sine ingenti periculo per archipelagum Chiloënsiem, tot insularum occursu divercatum irritatumque, navigatur. Incolis eadem victus ac habitandi ratio, quæ Chiloënsibus; iidem etiam mores terraque conditio, nisi quod hominibus ex infrequentia stupiditas major. Insularum unam, post destructas ab rebellibus Chilenis in continentem urbes, octoginta circiter Hispani construxo castro occupavere. Pleraque insulæ miseram præferunt depopulationem; nec aliam indigena paucitatis suæ rationem reddunt, quam quod à pyratis, reclamanibus Magistratibus, in continentem ad servitia transportentur. Insulæ omnes Chiloënsi Praefecto subsunt. Ubi ergo transmittendi facultas data est, Melchior Vanegas & Mathæus Stephanus navim concidunt. In altum proœctos foeda tempesta ad rebellium littora perpulit, ubi ausi excedere, Barbaros in ipsis urbis Valdiviæ ruinis ad colloquium frustra sollicitavere. Sedata tempestate iterum navigantes, primariæ insulæ portum non diu post felici cursu tenuere. Narrabant insulani, loca illa in quibus per totam insulam in prima excursione Melchior Vanegas & Joannes-Baptista Ferrufinus rem Sacram fecerant, frequenter videri luce cœlesti conspicua, atque inter hæc luces Altare splendidum planeque radiosum: ortâ ex his portentis apud gentem Societatis estimatione. Curatis Hispanorum conscientiis, quamvis loca illa ingentibus maris fluctibus concuti non ignorarent, Socii scaphâ vœcti pelago se commissero, affirmantes, indignum esse eò ad animas lucrandas Iesu Socios nolle ire, quod vexandorum corporum & latrocini ergo institores ac latrunculi frequenter excurrenter. Quadraginta insulæ, præter unum Sacerdotem apud Hispanos in arce versantem, nullum alium Sacrorum administrum habebant: quare quamvis nostris Sacris initiati plerique erant, in Christiana disciplina omnino rudes, & cæterorum Sacramentorum totâ vitâ ferè expertes, quid Matrimonium & Exhomologesis, quid templo, quid reliqua Mysteria, omnino ignorabant. Adeò ut satis appareret, qui eos baptizaverant, non animarum curæ, sed suis rebus studuisse. In prima navigatione, semestri spatio, insulæ omnes lustratae sunt. Sexcenti in Matrimonio collocati, ingens numerus Exhomologesi expiatus,

Imprecatio-nis pana.

CAPUT
V.Chiloënses
Insulæ Apo-stolicè ex-coluntur.Archipelagi
Chiloënsis
insulæ.Castrum
Chiloënsi.Valdiviæ
ad fidem sol-licitati.

Officium.

Insularum
ignorantia.

Quingenti &
vaginti ba-
ptizati.

Inspectio
Chiloënsium
pagorum.

Octoginta
facilla So-
cietas con-
struit.

Chiloënsium
Sociorum
alitatio.

CAPUT
VI
Joannes
Darius &
Didacus
Boroa Dia-
guitas paci-
fiant & ex-
colunt.

Didaci Boro-
laus.

Esterenses
Societatem
desiderant.

Animi de-
missio hono-
rata.

Aconquinca
vallis excul-
ta.

Diaguita
pacificati.

quingenta & viginti capita baptizata. In tam ardua expeditione Socii ultrò citroque navigantes, quidquid malorum tolerati potest, subierunt; ter pœnè fluctibus haulti, sèpè in madida veste inter summa frigora, sèpè sub dio noctes transfigere coacti sunt. Radicibus ac maris purgamentis victabant. Corrupto per naufragia commeatu omnibus rebus indigebant: inter quas ærumnas tot animi deliciis affluebant, satis ut sentiret quām bono Domino servitent. In insularum una senem Neophytum animam pœnè agentem repererunt, qui ut Socios vidit, gaudio exultans, Crucemque manu ostentans: *Hæc, inquit, spes mea est, ô Patres, hæc armatus sagam, morbo meo supersticio remedia obtrudentem, fugavi.* Inspectis omnibus insulis, & Hispanorum castro Sacramentis expiato, ad principem insulam renavigarunt, ejus viginti quinque pagos in scapha obeuntes, Baptismo, Exhomologesi, verbo Dei ingentem animarum messem fecere. Denique, ut paucis multa absolvam, sequenti biennio iidem Socii toti fuere in perlustrandis insulis, in quibus octoginta Ædiculas sacras totidem in pagis erexere, ministris Doctrinæ Christianæ ubique constitutis. Quot in singulis excursionibus Socii baptizaverint, non satis distinctè reperio. Illud constat, ex ingentibus periculis haud plus meriti ac estimationis, quām fructus lætitiae inter Indos & Hispanos percepisse: tantà omnium approbatione, ut Chiloënsis Præfectus per litteras Provincialem iterum rogaret, ne Viros sanctos usquam revocaret: quā benevolentia Socii utentes, passim schedulas suo Chirographo obsignatas Neophytis tradebant, quas qui haberent, ab vexatione dominorum suorum liberi essent: & Hispani, Patrum reverenti, territi, vexare non audébant quos viri de Republica benè meriti suā autoritate tuebantur. Aded nempè virtus potens est, ut sui nominis umbrā æquè innocentes protegere, ac nocentes in officio continere, queat.

DIDACO Torres è Chileno regno Cordubam regresso, Ludovicus Quiniones novus Tucumania Prætor per nuncium significat, Diaguitas, quorum aliquot Casiquios protervi milites trucidaverant, rebellasse, nec pacificandis iis aliud remedium videri, quām si denuō Societas pro bono publico se victimam offerret. Quibus rebus cognitis, Provincialis Joaëniem Darium ac Didacum Boroam eò destinat, cum mandatis, ut ex itinere Tucumania metropoli, è quā Societas abierat, solitus officiis procuratā, novi Prætoris imperata facerent. Ambo Socii tantæci non impares erant: nam Darius recentissimè Calchaquinos feliciter pacificaverat, & Didacus Boroa jam tum emittebat prudentiæ ac sanctitatis radios, quibus Provinciam per quinquaginta fermè annos primis in muneribus illustravit. In hac verò expeditione adèo egregium dedit Apostolici animi specimen, ut eum Darius Xaverium abbreviatum nominaret. Ubi ambo ad Metropolim pervenire, incredibile dictu est quantà Ordinum omnium aggratulatione excepti sint, impensè dolentium, quod nimia dominationis in Indos studio velificantes, tantum bonum per absentiā, ut sit, magis cognitum sua vecordia amisissent. Sed quamvis restitutionem Societatis plerique Hispani maximè cuperent, tamen longè major erat miseratione Barbarorum ab Sociis olim baptizatorum, patronos suos, doctores, parentes lamentabiliter sibi reddi postulantum. Crevit apud omnes desiderium resarcendi jacturæ, spectacione operum ab Societate fieri solitorum. Sed nihil urbi gratius accidit, quām cùm Sociorum operâ Episcopus & Alfonsus Ribera Exprætor graviter inter se dissidentes reconciliati sunt: in qua reconciliatione illud notandum venit, quod postridie quām Exprætor, Joannis Darii suau, genibus positis manum Episcopi osculans, offenditionis veniam petuit, litteras acceperit, quibus ipsi Prætura Chileni regni restituebatur. Ut novo exemplo discas Deo cordi esse demissos animos, & nihil vera dignitatis submissione desperdi. Tanto negotio feliciter patrato, Socii publicâ Prætoris ac Episcopi autoritate fulti, vallem Aconquincam, inter urbes Sancti Michaëlis & Londinum latè protensam, necnon Joncavilis saltibus proxima loca pervadentes, quamplurimos Barbaros Christiano ritu collato Baptismo, ac aliorum Sacramentorum ope, Christo lucrati sunt. Secundum id, Diaguitarum fines animosè prætergressi, omnia in proclivi habuere, rebellibus non

ægrè